

廣德州志卷八

營建志 學校二

忠義祠江南通志在州學內李志明倫堂東雍正五年奉

文建案在明倫堂東南堂門各三楹乾隆五十八年門

地知州胡文銓同學正王其福訓導吳景濂修并製牌

志道光十年二十六年相繼重修咸豐末燬光緒二年

重建新纂互見壇廟

神位

周烈籍未詳宋建炎三年知廣德軍事殉金兵之難詳宦績

廣德州志

卷八

學校

一

王儔本州人宋建炎末真州通判權通判廣德軍殉戚方之難詳忠烈

李唐俊本州人宋建炎末權通判廣德軍殉戚方之難詳忠烈

朱嗣孟樂平人宋建炎末任廣德司戶參軍殉戚方之難詳宦績

潘偶本州人宋建炎末權廣德軍司法殉戚方之難詳忠烈

韋績籍未詳宋建炎末權知廣德縣殉戚方之難詳宦績

蔣夔籍未詳宋建炎末權廣德縣丞殉戚方之難詳宦績

吳琦本州人宋德祐乙亥年任太學講書殉元兵之難詳忠烈

王汝翼建平人宋德祐年知廣德縣殉元兵之難詳忠烈

趙時踐暨子宋石人宋德祐年任廣德司戶參軍攝建平縣事殉元兵之難其子亦死詳宦績

趙時晦 籍與官未詳宋德祐年寓居建平與元兵戰不屈死詳寓賢祠牌舊書暨二公子誤詳九烈祠

孟唐老暨二子 籍未詳宋德祐年官斗山路分與王汝翼同殉元兵之難詳宦績

張濡 籍未詳德祐未廣德軍殉元兵之難詳宦績

關住 籍未詳元至正年任廣德翼萬戶死寇難詳宦績

齊泰 溧水人明建文時兵部尚書至廣德與王叔英合謀起義後被執殉節詳宦績

王叔英 黃巖人明建文時官翰林修撰募兵廣德殉難詳宦績

林英 古田人明建文時官御史募兵廣德與王叔英同殉難詳宦績

姚恕 建平人明建文時御史殉難詳忠烈

姚善富 建平人明建文時學生殉難詳忠烈

宋鼇 湘陰人明嘉靖中任建平縣丞殉倭寇之難詳宦績

蔡啟元 本州人明嘉靖中擊賊于奉化戰死詳忠烈

蔡允元 本州人明嘉靖中官指揮為南韶賊所執不屈死詳忠烈

潘廷楫 建平人明崇禎時官安東衛經歷寇難殉節詳忠烈

夏魁暘 建平人明崇禎中官武義教諭攝浦江令寇難殉節詳忠烈

趙景和 錢塘人明末知廣德州守城死馬士英之亂詳宦績

任佐君 籍未詳明末任廣德同知死馬士英之亂詳宦績

杜鶴年 安化人明崇禎末建平令殉節詳宦績

附張義民 唐末廣明年率義兵禦黃巢戰死詳忠烈

廣德州志

卷八

學校

案忠義舊無專祠雍正五年始奉

特敕建于郡邑學中以褒嘉忠節使數千百年沉鬱之孤

忠並得俎豆膠庠光昭史冊洵盛典也且奉行

朝命與舊時九烈詳後民間私祀者迥異有主持風教之責

者自宜加意搜訪以仰答

聖天子闡揚幽隱盛心乃李志學校門不登此祠祠祀門

但紀建祠之年而不載所祀之人疏矣及觀祠牌所

奉又僅十有五人王儔李唐後朱嗣孟潘偶章續蔣夔王汝翼趙時晦時踐王叔英姚

恕宋鼇蔡啟元允元夏魁賜夫以建炎諸人而論則周烈宜首祀

廣德州志 卷八 學校 三

以德祐諸人而論則吳琦孟唐老及二子趙時踐之

子與張濡皆先後殉節者也元有關佳明建文尙有

齊泰林英姚善富嘉靖尙有潘廷楫崇禎尙有趙景

和任佐君杜鶴年是數人者事蹟炳載正史或軼見

記傳當時均未詳考致有漏遺伏讀

欽定勝朝殉節諸臣錄齊王林及趙夏五公並蒙

賜諡入祠

恩綍榮施

瑤編頒布薄海臣民靡不聞風欣仰甯有寓遊蒙難之地

城守籍隸之邦尙敢沿襲舊規不亟謀所以敬承德意徧賁幽潛乎謹易堅木彙勒姓名冠以

寵謚庶英魂毅魄蒼萃一堂於嚮春秋籍展祇敬焉至唐世義民張氏禦賊捐軀居民嘗為立廟曰誓節今廟雖圯廢故蹟猶存伏念

聖朝褒錫孤忠不遺微末如虎邱儒士若耶樵夫均得同邀祀典張氏奮身捍患死而廟食詎可令其久而湮沒今亦祔祀以慰忠魂於風教當有裨益也又案會典開載雍正三年禮部議覆令直省州縣分別男女

廣德州志

卷八

學校

四

各建二祠一為忠義孝弟祠建學宮一為節孝祠月擇地營建然則廣德所有歷代奉旌之孝子當時亦應建祠奉祀茲謹考列應祀孝弟諸人以俟後舉

潘 晃

本州人唐天寶年詔旌授廣德令詳孝友

李彭年

本州人宋紹興進士高宗詔旌詳孝友

王安兒

建平人時代未詳有割股廟載通志詳孝友

李 貴

建平人時代未詳有孝義橋載通志詳孝友

范日進

建平人宋咸淳時家眾三百人同爨載通志詳孝友

姚觀壽

本州人明洪武開旌表詳孝友

宗維漢 建平人 國朝雍正十一年奉旌詳孝友

雲像曾 本州人 國朝乾隆元年奉旌詳孝友

名宦祠 萬曆志戟門外左舊為神廚為宰牲所今為名宦

祠先是明正德中知州劉節建於 文廟後嘉靖七年

案東廓州志自序稱五年丙戌修志逾年徙官去則七年乃其去任之年也 判官鄒守益建

於復初書院門左 案即尊經閣門左也 嘉靖三十三年知州莊士

元改建於此萬曆二十四年知州段猷顯又撤而新之

繚以垣墉視昔加偉案康熙十四年學正馮益熿重修

據馮手書 歲久木料朽壞乾隆五十六年圯神位暫移

廣德州志

卷八

學校

五

四先生祠中現擬重建 胡道光十年二十六年相繼重

修咸豐末燬光緒二年重建 新纂

神位

張純 三國吳嘉禾間廣德令舊作漢誤 梅詢 宋真宗時知軍事

錢公輔 宋英宗治平中知軍事 孫覺 宋神宗熙寧中知軍事

洪興祖 宋高宗紹興中知軍事 黃震 宋度宗咸淳中通判廣德軍

趙時踐 宋末司戶參軍 王新 明洪武中同知

羅坤泰 明永樂中知州 袁沂 明成化中學正

孫紘 明宏治中知州 李汝桂 明萬曆中訓導以

胡子晉

明萬曆中同知

張嗣誠

明萬曆中知州

程良符

明崇禎時知州以上見楊志

趙景和

明末知州殉難祠有牌舊志失載

案以上十六人皆官於廣德者事實均詳宦績然應祀者實亦不止此也其祠牌尚有周孔教常名揚馬鳴佩張泰交范承勳鮑復昌陳鵬年余正健邵嗣堯諸人均係督撫提學等官江南府州縣名宦祠中皆入牌者今亦一體崇祀焉

光緒六年郡紳張光藻等稟請將周瑛趙崇賢王邦瑞鄒守益鍾振何鳳起陸長庚段猷顯閔以棟崔成

廣德州志

卷八

學校

六

名楊苞十一人併入祠祀

新纂

鄉賢祠

萬曆志戟門外右舊為神庫為致齋所今為鄉賢

祠其先建置與名宦祠同楊志康熙四年圯知州楊苞

學正荆振日重建案乾隆五十年學正沈曙訓導潘煥

溥同後裔重修

明志

道光十年二十六年相繼重修咸豐

末燬光緒二年重建

新纂

神位

查深

宋治平間人詳儒碩

倪濤

宋大觀進士詳名臣

何大圭

宋重和進士詳文苑

沈虛中

宋宣和進士詳文苑

梅應發

宋寶祐進士詳名臣

張

政

明永樂進士詳名臣

濮陽瑾

明天順選貢詳循吏

姜

洪

明成化進士詳名臣

王世祿

明正德進士詳循吏

李崇謙

明嘉靖舉人詳循吏

李天植

明隆慶進士詳名臣

案萬厯志載崇祀者八人楊志增何大圭王世祿李

天植三人不言何時附入今仍之

光緒六年郡紳張光藻等稟請將李得陽夏良心李

徵儀趙嗣晉雲中官五人併入祠祀

新纂

范文正公祠宋紹興中知軍洪興祖求公遺像繪而置之

廣德州志

卷八

學校

七

學宮使學者世祀之汪藻撰記

見藝文

萬厯志舊在儒學

井亭左嘉靖三年

案鄒東廓周公祠記稱嘉靖甲申議建文正祠於書院後甲申嘉靖三年

也舊志作七年誤今改正

判官鄒守益改建尊經閣後

南畿志作在復初書院內

案書院即閣故云說見後

尋圮萬厯間合祀今四先生祠內

月詳後又康熙

間知州朱國柱別建祠於硯池塘側詳壇廟

古四先生祠明一統志在州學元時判官秦德用建以祀

宋司理范仲淹郡守錢公輔孫覺洪興祖以其有興學

功也郡人梅應發撰記

案記稱紹定二年作范錢洪三先生祠於講堂之東元至元二

十一年秦侯撤而新之增入孫覺名四先生祠堂詳藝文案是祠久廢范在明世則

先有專祠後再合祠詳後錢孫洪皆歸名宦祠祀之

案四先生祠建於元世雖在前明已委榛莽而凡類書中載桐川祠廟必及之自萬曆中更創四先生祠主猶四而人易三萬曆志遂載新而沒舊數典忘祖可乎故今列各祠先自宋元始

懷忠祠南畿志在文正祠左萬曆志嘉靖三年判官鄒守

益既改建范公祠於尊經閣後并建王靜學叔英祠於其

東名曰懷忠案王叔英死節之銀杏樹即在其後故東

英祠吳同春遂建特祠於墓所名表忠則又在祠山麓也另詳壇廟尋圮萬曆間亦合祀

廣德州志 卷八 八

於今四先生祠以其址建存忠亭詳後

周公祠南畿志在儒學內萬曆志舊在道義門左正德中

知州劉節建以祀前知州周瑛案嘉靖三年判官鄒守

益以祠湫隘既移祀范文正於尊經閣後新祠中而以

周公位移於范公舊祠中案即前所謂并亭左之范祠也是在道義門左者移於戟

門右鄒自撰記見藝文萬曆志萬曆元年知州鍾振就集

英館址改建在范文正公祠西案并亭左祠自此遂廢曰范祠西則亦在尊經

閣後十四年知州陸長庚修葺尋圮二十五年亦合祀

今四先生祠中詳後

四先生祠萬曆志在尊經閣鄒先生祠後鄒守益所建范公祠懷忠祠鍾振所建周公祠皆圯萬曆二十五年知州段猷顯卽鄒公祠址改建一祠案鄒祠本在北范祠本在南今以范祠址爲鄒祠而以鄒祠址爲四先生祠故前云在鄒先生祠後互詳下入真西山同堂異龕合而祀之且撰仰止編以示景行之意楊志今圯

國朝康熙六年學正荆振日改舊學署樓房三間爲四先生祠在

文廟西

案學正署舊在西廡後荆振日移建於文廟東故以舊署樓改爲祠云

李志後又圯雍正十年知州詹宜倫重建於尊經閣左

案今在閣門外左卽雍正間所建者也

廣德州志

卷八

學校

九

神位

范仲淹

宋參知政事前司理參軍

真德秀

宋資政殿學士前江東轉運副使

王叔英

明翰林院修撰

周瑛

明四川布政使前知州事

鄒東廓祠萬曆志舊在尊經閣蓮花池後萬曆四年知州

吳同春建以祀南京國子祭酒前判官鄒文莊公守益

案李得陽撰記見藝文

尋圯萬曆二十五年知州段猷顯從輿議

卽范文正祠舊址建祠專祀之

詳前

楊志李徵儀建二楹

於祠後

案此二楹何以添設

案祠久圯乾隆四十五年

學正朱裕觀復建於道義門左而以明知州夏

案祠牌不書名

舊志祠祀門亦無祀夏公者稽之明知州嘉靖中有夏
臣任僅一載崇禎時有夏時任三載政績俱無考朱裕
觀重修神位而不書名想亦無從考定為何人也
其牌位向在州治東關帝廟中朱裕觀移祀於此
國朝知州閔以棟案閔有專祠在州治東關帝廟中朱裕
毛渾案西廡後舊有祠祀渾乾隆丙戌祠圯移三主祀
祀焉主於學正署門屋中朱以其褻故移入

案學中祀東廓載在州署禮科舊冊有祀祀當時從
學者八人姓名詳寓賢又李志載康熙間李邇泰建書
院迎東廓及從學九人木主祀之知鄒祠中自有祀
祀者今祀祀之人皆係鄒後郡守則以祠圯而牌位

廣德州志 卷八 學校 十

無存前志又未詳載隔數十年始復有建祠祀之者
宜其未暇深考矣

土神祠楊志 文廟西北案即懷忠祠址也不知何年改
為土神祠乾隆四十五年祠圯學正朱裕觀訓導吳維
瓊移建於道義門東

文昌祠楊志載有祠田而未詳其址考明史宏治間行令
天下學校拆毀文昌祠或即廢於其時與胡志嘉慶六年
在儒學東青雲樓重加修整上供文昌帝君位添造後
殿奉

旨春秋二祭裕志同治四年升入中祀加一祭新纂

九烈祠楊志今圯

案萬厯志但載所祀九人不詳所建之地楊志但云圯亦不言其址迨雍正五年建忠義祠於學首以九人崇祀其中從此忠魂毅魄俎豆千秋矣惟是烈不止九猶之賢不應六乃近學正朱裕觀以九烈之號傳自元明不宜遽泯因與明之六賢復合建一祠焉見後

六賢祠萬厯志萬厯三十年知州何鳳起建楊志今圯

廣德州志

卷八

學校

十一

案萬厯志不詳所建之地并六賢亦未載續萬厯志列其姓名首鄒東廓是矣而連及曾來講學之錢沈二王與嘗撰東廓祠碑之耿定向碑見藝文統名為六賢考耿定向從未來祠不應祀於此即東廓曾膺民社功德在人既有專祀未便與偶來講學者同列六賢之稱似未盡協

九烈六賢祠在三台閣舊址北乾隆四十五年學正朱裕觀建為堂三楹額曰正氣萃茲

神位

王 儔

李唐俊

潘 偁

韋 績

蔣 夔

朱嗣孟

王汝翼

趙時踐

趙時晦

案萬歷志時晦下書及二子考宋史不載時晦子而載同死之孟唐老二子舊志誤詳忠烈

吳甯 謚九烈祠樂府守耶丞耶倅耶尉耶僚屬耶兄弟

耶一人義憤肝膽裂羣賢併命手同挈寅恭素協肘誰

掣損篋久和聲不輟吁嗟乎一城一池須問主者誰撐

半壁誰支大厦二三小臣尸裹血灑奈何中朝非秦則

賈

右宋九烈籍貫事實詳前忠義祠

廣德州志

卷八

學校

三

鄒守益

安福人詳宦績

錢德洪

餘姚人詳寓賢

王 畿

山陰人詳寓賢

王 艮

泰州人詳寓賢

沈 寵

宣城人詳寓賢

耿定向

黃安人嘉靖末南京學政明史有傳

右明六賢

案李志載九烈六賢二祠俱地移木主於文昌閣所

謂文昌閣者卽三台閣也後閣亦圯故朱裕觀復合

建一祠以祀之然烈與賢原以祠同圯而偶合之究

非義所應合者也竊謂九烈崇祀忠義東廓專祠學

中此祠只祀寓賢四五人也可

青雲樓萬歷志在儒學東明嘉靖十三年判官涂相買民

地建案涂自為記見藝文督學聞人銓顏曰雄峙宮牆案今無前後

各三楹萬歷十二年知州陸長庚修案陸自撰記附後樓後屋

五楹中為碑亭案今屋與亭俱無判官聞思政建後有池陸又

周圍葺牆門外建石坊匾曰頭角崢嶸勒本州科甲於

上案今坊匾俱無門左舊有建樓碑亭今圯迤左為聞判遺思

碑亭案今亭亦無又左為榛邱二陽志榛邱誤作禁邱又刪二字誤舊傳為

錢狀元用王塚萬歷二十年段猷顯為豎碣以識更改

青雲樓額為五雲樓左有梯雲樓楊志梯雲樓今圯

廣德州志 卷八 學校 三

國朝康熙元年知州陸翔華學正荆振日各捐奉倡諸生

助貲重建案陸荆均有記附後仍顏其額曰青雲樓上供 文昌

帝君右有陸公建青雲樓碑亭案今碑存亭圯康熙四十七

年樓圯郡人雲中官倡募重建未竟而卒雍正六年其

子輝萼復募成之學正胡伯炯撰記見藝文乾隆四十七

年前樓將圯學正朱裕觀募修方興工而朱卒事遂中

止今前樓僅立柱礎待修孔亟云

明陸長庚青雲樓記略州治東南數十百步為學宮稍轉而東有樓名青雲又稍轉而南依州堞為閣名文昌先是郡倅涂君荆置羣博士弟子讀書其中久且敝不佞來守茲土思稍加繕輯迺誌諸明口聞君雅相合也

因使封人慮事量功聚材浹數十旬竣事偕不佞登焉
謂不可無記余惟斯樓之有造於多士也雖然起曰噫
樓美矣而以青雲名何為哉以余所聞太史公巖穴幽
棲者流非附青雲之士不能自顯故曰升之則在青雲
之上抑之則在深淵之下由斯以譚士亦惡能與世浮
沉而無貴乎青雲為也明興以右文風海內士彬彬趨
於行誼垂二百餘年今上神聖復申飭學官期於雅馴
以稱得士意甚懇厚夫士也生於蓬華遭逢明聖釋褐
而趨紆青拖紫內則卿相外則監司二千石刺史縣令
得有所表見以垂不朽非所稱青雲之士能自顯榮者
哉其命工鑄之樓唯初制旁有舍於後更買居民田為
屋數楹垣數十等稍廣其舊門以外則移堅石坊其上
題曰頭角崢嶸取雲龍之意也董是役者則義民濮僅
濮備老人張大仕效有勤勞云萬曆十三年歲次乙酉
十月賜進士出身奉訓大夫知直隸廣德州事鵝湖陸
長庚撰文郡人李得陽書丹夏良心篆額同知王省括
判官聞思政署學正黃應奎訓導李一孝
國朝陸翔華重建青雲樓碑記略古刺史之治郡也類有

廣德州志

卷八

學校

古

亭閣臺榭以表山川郡邑之盛若廬陵之在滁則建亭
曰豐樂曰醉翁眉山之在扶風膠西則建亭曰喜雨建
臺曰超然余讀其文詞雖得宣上恩澤與民共樂之意
然竊謂供游觀資鵬咏猶未盡善刺史奉
天子命來守是邦凡所營建當以有裨士民者為之學校
人才之本國運攸隆風俗攸茂實由之則振興蠻序修
廢舉墜真長吏責也余以辛丑五月莅桐下車之日即
詢民生利病士風淑慝廣文覺菴荆君告子桐自置郡
後銅龍金馬代不乏人邇多士濟濟歌鹿鳴與賓興者
未數見則以學宮龍勢自笄山而來嚮予從祖津陽公
於萬曆癸未承乏此州特建樓以挹之自兵燹之餘鞠
為茂艸科目亦遂寥落予即引為己任輸貲鳩工而荆
君同僚友彝度盧君諸生盧琦名趙先簡濮陽至雲旭
等朝夕勤劬不遺餘力逾年樓成為勒數言以識於石
荆振日重建青雲樓記事碑略余以庚子春來視桐
學初接諸生麟麟郁郁殊多雋上之姿迺兵燹後尚無
登賢書者豈盡由人事抑氣化陰陽有未協者與乃排
徊學宮巖巖隅散衍風氣疏洩無以翕滙秀靈因考州

乘明嘉靖以前科第寥寥自東潭涂公建青雲樓於學左以補其偏津陽陸公復營治焉而規模益廓百年之間人文蔚起迨樓毀而昔之寥寥者復若也乃詠吉鳩工鼎新聿始會余迫公車辛丑北旋猶是數十棟楹旁風上雨潦垣未周適魏塘陸公來守是邦振興翼序追從祖津陽公之遺蹟捐俸以佐工貲余亦以薄修繼之今得落成焉蓋三易寒暑矣樓之峻敞不減舊觀工力艱鉅倍於昔時歷巖谷風雨徧募四境者余廣文職也多方經畫捐廉倡助者刺史靜涵陸公也若諸生省工筋材則盧子琦名趙子先簡濮陽子至雲子旭丁子儀淳等爲獨瘁敢不備書始事之艱以告來者

三台閣舊名文昌閣萬歷志在儒學東南萬歷六年知州吳同春買民地建閣三層南瞰女牆上供文昌顏其額爲斯文主宰閣外爲短垣前峻以石階階右爲屋三

楹以居管閣者萬歷十三年知州陸長庚重修閣右築青雲路一百二十五丈迤東而北出於通衢兼濬龍門水迤運以達文明溪溪上建登龍橋蓋閣與青雲樓俱屬巽位先後當事者用形家言設此以補方隅之空翼翼宮衛風氣云楊志今圯門志儒學東南形家言學宮巽隅風氣疏洩故科第寥寥康熙十一年知州高拱乾倡議捐俸建三台閣以翼衛之案高自撰記見藝文前爲講堂後築石臺高二丈許上構巍樓三級頂層奉文昌帝君像中層供關聖像右有池建亭於其上匾曰清鑑是

歲庠士周烈夏迪忱同雋秋闈此興學作人之效也案

今又圯志道光十年知州金鼎壽即故址重建辛丑癸

卯間大雪復損州人陳淦等募貲重修志

國朝韓望建三台閣記九臨高年兄以吾邑鼎彥初仕守

命有鄣人士數輩遮余而言曰吾鄣蕞爾殘壤民生日蹙

高侯下車興學校撫流移平徵收雪冤抑省贖鍰清編

審杜鏹害飭守望強葺苴賑饑荒仁惠所敷未易更僕

數大約持心平恕立法寬簡不以鈞距炫明不以揮張

見才惟本乎真誠而行以樂易所以士習而民信之今

者侯嘉惠膠庠念州科目晨星以形家言特割奉建閣

三級於學宮左名曰三台以應斗魁之象今歲實書即

雋二人諸弟子員沐教澤者洙將敘其懿績勒之貞珉

因銓次之以

應其請云

廣德州志

卷八

學校

六

案三台閣即明文昌閣舊址而重建者門志強分爲

二叙文昌閣刪節萬歷志與楊志原文幾不知基址

在何處叙三台閣直云高拱乾倡建即高自撰記亦

不叙前明舊址殊不思吳同春買田地而閣始有基

前人之功惡可沒也今閣又久圯僅存敗石臺而已

現擬重建又案九烈六賢祠青雲樓三台閣均在儒

學東南平步橋之東不在學基之內因均係學中廟

祠故類載於此

以上胡志參裕志案各祠宇俱被燬今重建忠義名

宦鄉賢三祠餘具未復

廣德州志

卷八

學校

七